

OFFICIAL / OIFIGEIL

Ùghdarras Poilis na h-Alba | Scottish Police Authority

DREACHD PLANA GÀIDHLIG

2021-2026

SCOTTISH POLICE
AUTHORITY

OFFICIAL / OIFIGEIL

Ro-ràdh

Mar Àrd-oifigear Ùghdarras Poilis na h-Alba (SPA), tha mi fìor thoilichte dreachd den darna tionndadh den Phlana Ghàidhlig againn airson 2021-2026 fhoillseachadh airson co-chomhairle. Tha a' Ghàidhlig na h-eileamaid chudromach de chultar na h-Alba agus tha an t-Ùghdarras gu mòr airson taic a chumail ri brosnachadh agus aithneachadh a' chànan, mar phàirt de dhualchas na dùthcha againn, agus cuideachd mar chànan beò. Tha sinn ag aithneachadh cuideachd gu bheil comas aig a' Ghàidhlig cur ri sunnd sòisealta, cultarail agus eaconomach.

Tha an tionndadh seo den Phlana Ghàidhlig againn ag amas air taic a chumail ri lìbhrigeadh nan amasan a tha air am mìneachadh ann am Phlana Nàiseanta na Gàidhlig agus ri bhith a' coileanadh nan dleastanasan a tha air am mìneachadh ann an Achd na Gàidhlig (Alba) 2005. Tha an tionndadh seo den phlana a' suidheachadh amasan nas ruigsinniche a rèir ar prìomhachasan gnìomhachais agus a' cuimseachadh air tuigse agus cleachdadh Gàidhlig taobh a-staigh na buidhne againn a neartachadh. Tha na gealltanasan againn a' cuimseachadh air faicsinneachd, inbhe agus cleachdadh na Gàidhlig a chur am meud anns an dòigh 's a bhios an t-Ùghdarras a' conaltradh ri, agus ag obair leis a' phoball. Bidh seo a' gabhail a-staigh bhon bliadhna seo, a bhith a' cruthachadh suaicheantas ùr a thèid a chleachdadh air feadh nan seanailean conaltraidh againn.

Is iad na h-amasan àrd-ìre a chaidh aontachadh le Bòrd na Gàidhlig gus am plana fhiosrachadh:

- Stèidhich buidheann leasachaidh is buileachaidh airson a' phlana Ghàidhlig le àrd-riochdachadh bho gach roinn / foincsean ann an Ùghdarras Poilis na h-Alba.
- Bidh an t-Ùghdarras, agus e ag obair a chùim leas a' phobail, a' brosnachadh agus a' toirt feart air beachdan luchd-cleachdaidh agus coimhearsnachdan Gàidhlig gus an obair sgrùdaidh aige air obair-phoilis agus chùisean poilis fhiosrachadh.
- Trèanadh mothachaidh Gàidhlig agus trèanadh sgilean Gàidhlig gu bhith mar phàirt den inntigeadh is trèanadh aig seirbheisean Chorpóra is Seirbheisean Foireansach Ùghdarras Poilis na h-Alba.
- Mar phàirt den chuairt-riaghlaidh leantainneach is stiùireadh leantainneach air obair-phoilis, nì an t-Ùghdarras sgrùdadh air na tha obair-phoilis a' cur ri lìbhrigeadh Plana Nàiseanta na Gàidhlig ann an seisean poblach.

Tha sinn ag aithneachadh gu bheil feum air dòigh-obrach fa leth ach co-phàirteach a dhìth aig an Ùghdarras agus Poileas Alba gus dèanamh cinnteach gu bheil sinn a' cur ri neartachadh na Gàidhlig gu brioghmhor agus gu bheil a' bhuidheann againn a tha sinn ag iarraidh. Tha sinn gu mòr airson obrachadh le Poileas Alba gus an t-amas seo a chur air adhart.

Lynn Brown OBE

Àrd-oifigear

Ùghdarras Poilis na h-Alba

Clàr-innse

1. Ro-ràdh	Taobh-duilleig 4
2. Prìomh Prionnsabalan	Taobh-duilleig 10
3. Gealltanasan a' Phlana	Taobh-duilleig 11
4. Ceanglaichean ris an Fhrèam-obrach Coileanadh Nàiseanta	Taobh-duilleig 21
5. Foillseachadh	Taobh-duilleig 21
6. Goireasachadh a' Phlana	Taobh-duilleig 22
7. Sgrùdadh a' Phlana	Taobh-duilleig 22
8. Am Plana Gàidhlig anns an Ùghdarras Phoblach	Taobh-duilleig 22
Eàrr-ràdh 1 - Sgrùdadh air comasan taobh a-staigh na buidhne	Taobh-duilleig 24
Eàrr-ràdh 2 - Co-chomhairle Phoblach	Taobh-duilleig 24

1. RO-RÀDH

TUAIRISGEUL AIR ÙGH DARRAS POILIS NA H-ALBA

Chaidh Ùghdarras Poilis na h-Alba a stèidheachadh air 1 Giblean 2013 fo Achd Ath-leasachadh Poilis is Smàlaidh (Alba) 2012. Tha an t-Ùghdarras air a dhèanamh suas de Bhòrd le suas ri 15 ball, a' gabhail a-steach Cathraiche, agus tha iad air an taghadh tro phròiseas fastaidh poblach agus air an taghadh le Ministearan na h-Alba.

Chaidh an t-Ùghdarras a stèidheachadh gus am biodh sgaradh soilleir ann eadar Ministearan na h-Alba agus an t-seirbheis poilis.

Is iad na prìomh phrionnsapalan san Achd a tha mar bhunait air obair-phoilis ann an Alba:

- gur e am prìomh adhbhar aig obair-phoilis a bhith a' cur sàbhailteachd agus soirbheas dhaoine, àiteachan agus coimhearsnachdan na h-Alba am feabhas;
- agus gum bu chòir dhan t-Seirbheis Poilis, agus i a' co-obrachadh le buidhnean eile far a bheil sin iomchaidh, a bhith a' feuchainn ris a' phrìomh adhbhar aig obair-phoilis a libhrigeadh ann an dòigh a tha;
 - (i) ruigsinneach do, agus ann an co-chonaltradh ri, coimhearsnachdan ionadail, agus
 - (ii) a' cur air adhart cheuman gus casg a chur air eucoir, cron agus mì-rian.

Tha còig prìomh dleastanasan aig an Ùghdarras fon Achd. Is iad sin:

- a bhith a' cumail suas Seirbheis Poilis;
- a bhith a' cur air adhart prionnsabalan na h-obair-phoilis ann an Achd 2012;
- gus leasachadh leantainneach a bhrosnachadh ann an obair-phoilis na h-Alba; agus
- gus obair-phoilis na h-Alba a chumail fo sgrùdadh; agus
- gus an t-Àrd-chonstabal a chumail cunntachail airson obair-phoilis ann an Alba.

Tha na còig dleastanasan seo a' sealltainn nan dleastanasan ceangailte aig an Ùghdarras a bhith a' stiùireadh obair-phoilis, a bhith a' cumail an Àrd-chonstabal cunntachail, agus a bhith a' cumail taic ri obair-phoilis gus fàs nas fheàrr.

Tha grunn dhleastanasan a bharrachd aig an Ùghdarras a bharrachd air na prìomh dhleastanasan a tha air an comharrachadh san achd, a' gabhail a-steach solarachadh Seirbheisean Foireansach dhan t-siostam ceartas eucorach nas fharsainge ann an Alba. Tha an t-seirbheis a tha air a thoirt seachad ann an Alba na mhodail eucoir-gu-cùirt gun samhail a nì cinnteach gu bheil neo-chlaonachd agus neo-eisimeileachd ann tro bhith a' cur trannsa sterile ann eadar Seirbheisean Foireansach agus Poileas Alba.

Tha mu 500 luchd-obrach aig an Ùghdarras gus Seirbheisean Foireansach a libhrigeadh ann an Alba, agus mu 50 luchd-obrach gus taic a chumail ris an Ùghdarras ann a bhith a' libhrigeadh nan dleastanasan sgrùdaidh agus riaghlaidh. Tha an Ùghdarras cuideachd a'

OFFICIAL / OIFIGEIL

fastadh còrr is 5000 luchd-obrach poilis a tha fo stiùireadh agus smachd an Àrd-chonstabail, agus a bhios a' cumail taic ri Poileas Alba ann an cur an gnìomh nam foincseanan aige.

Tha dleastanas reachdail air an Ùghdarras cuideachd Sgeama Luchd-tadhail Neo-eisimeileach air Daoine a tha an Greim (*Independent Custody Visiting Scheme - ICVS*) a chumail suas agus a riaghladh gus sùil a chumail air leas dhaoine a tha air an cumail ann an greim leis a' phoileas air feadh na h-Alba. Tha sgeama ICV a' cuideachadh gus dèanamh cinnteach gu bheil an Ùghdarras a' coileanadh an dleastanasan a thaobh co-ionannachd is iomadachd agus a thaobh dìon chòraichean daonna. Bidh e cuideachd a' cuideachadh le bhith a' dèanamh cinnteach gu bheil Alba a' dèanamh a h-uile rud as urrainn dhi anns na seirbheisean poblach aice gus coinneachadh ri inbhean eadar-nàiseanta a shuidhich na Dùthchannan Aonaichte anns a' Phròtacal Roghainneil aca dhan Chùmhnant an aghaidh Creòtachd agus Làimhseachadh no Peanasachaidh An-ìochdmhor, Mì-chneasta no Ìsleachaidh eile (*United Nations Optional Protocol to the Convention against Torture and Other Cruel, Inhuman or Degrading Treatment or Punishment - OPCAT*).

Tha dleastanas cudromach aig an Ùghdarras cuideachd ann a bhith a' beachdachadh air gearanan mun Ùghdarras; luchd-obrach an Ùghdarras, no oifigearan Poileas Alba aig ìrean Àrd-Chonstabail Taic, Leas Àrd-chonstabail, no Àrd-chonstabail.

Mar a' phrìomh bhuidheann riaghlaidh airson obair-phoilis ann an Alba, tha uallaichean agus dleastanas an Ùghdarras eadar-dhealaichte bhon fheadhainn aig a' mhòr-chuid de bhuidhnean poblach eile. Bidh an t-Ùghdarras a' suidheachadh agus a' sgrùdadh buidsead bliadhna a tha nas àirde na £1.3 billean agus feumaidh e an luach as fheàrr fhaighinn a thaobh nam foincseanan aige. 'S e Àrd-oifigear an Ùghdarras an t-Oifigear Cunntachail a tha cunntachail gu pearsanta do Phàrlamaid na h-Alba airson a' bhuidseit gu lèir.

Bidh an t-Ùghdarras a' suidheachadh ro-innleachd, a' sgrùdadh agus ag aithris air coileanadh, a' cumail taic ri obair leasachaidh leantainneach, agus ag èisteachd ri, agus a' toirt feart air diofar bheachdan air obair-phoilis ann an Alba. Bidh sùil is taic an Ùghdarras air obair-phoilis a' tarraing air raon farsaing de dh'fhianais agus air beachdan neo-eisimeileach bho eòlaichean aig grunn bhuidhnean, nam measg luchd-sgrùdaidh agus buidhnean coltach ris.

Tha an t-Ùghdarras air rùnachadh gun obraich e ann an com-pàirteachas le daoine eile an dà chuid aig an ìre nàiseanta is ionadail gus an raon-ùghdarras againn a libhrigeadh. Tha ùghdarrasan ionadail nam pàirt chudromach de dh'obair com-pàirteachaidh an Ùghdarras oir tha e a' feuchainn ri dhèanamh cinnteach gum bi e comasach do choimhearsnachdan buaidh a thoirt air na seirbheisean a gheibh iad.

Tha prìomhachasan an Ùghdarras mar bhuidheann air am mìneachadh sa [Phlana Chorpóra airson 2020-2023](#). Thèid ath-sgrùdadh a dhèanamh air seo ann an 2023 agus thèid fhoillseachadh air làrach-lìn an Ùghdarras.

GÀIDHLIG TAOBH A-STAIGH ÙGH DARRAS POILIS NA H-ALBA

Na daoine againn

Ged is e buidheann phoblach eadar-dhealaichte a th' ann, bidh Ùghdarras Poilis na h-Alba agus Seirbheisean Foireansach a' faighinn taic HR agus luchd-obrach bho Phoileas Alba. Mar sin, bidh sinn obair gu dlùth leis an t-seirbhis gus cleachdadh na Gàidhlig thar luchd-obrach uile a' phoilis a thuigsinn ach gu sònraichte taobh a-staigh sgioba Corporra agus Seirbheisean Foireansach an Ùghdarras.

Na stuthan Gàidhlig / dà-chànanach againn

Bho 2016, tha Ùghdarras Poilis na h-Alba agus Poileas Alba air tionndaidhean Gàidhlig a dhèanamh de na Planaichean Poilis Ro-innleachdail againn.

2016: [Obair-phoilis 2026](#)¹

2020: [Co-ro-innleachd airson Obair-phoilis](#)²

Tha an t-Ùghdarras air sgrìobhainnean a chruthachadh ann an Gàidhlig co-cheangailte ris an Sgeama Luchd-tadhail Neo-eisimeileach air Daoine a tha an Greim airson cleachdadh le daoine a tha an greim a tha airson bruidhinn ris an luchd-tadhail againn sa Ghàidhlig.

Tha an t-Ùghdarras cuideachd air raon Gàidhlig sònraichte a chruthachadh air an eadra-lìon airson luchd-obrach a tha ag obair taobh a-staigh Seirbheisean Corporra is Foireansach aig Ùghdarras Poilis na h-Alba, a bhios ag brosnachadh taic agus dealas an Ùghdarras àite seasmhach a chruthachadh airson Gàidhlig ann an Alba.

Tro bheatha a' phlana seo, cuiridh sinn ri àireamh nam prìomh fhoillseachaidhean a nì sinn gu dà-chànanach, agus sa Ghàidhlig, agus nì sinn liosta de na stuthan Gàidhlig a th' againn mar-thà, a' gabhail a-steach foillseachaidhean, pàipearachd, foirmean agus susbaint air-loidhne.

Na soidhnichean againn

Tha an suaicheantas agus soidhnichean Gàidhlig rim faicinn ann an àrd-oifis an Ùghdarras ann an Cidhe a' Chuain Sèimh ann an Glaschu agus ann an oifis nan Seirbheisean Foireansach ann an Cùirt Rushton, Dùn Dè.

Tha suaicheantas agus stuthan margaidheachd dà-chànanach aig an ùghdarras a tha air a chleachdadh airson coinneamhan den Ùghdarras. Tha na stuthan seo a' cur ri faicsinneachd suaicheantas an Ùghdarras oir bidh coinneamhan gan sruthadh beò agus a chionn 's gu bheil clàraidhean de na coinneamhan rim faighinn air seanail sruthadh-beò sònraichte.

¹ [policing-2026-strategy-gaelic-201709.pdf \(spa.police.uk\)](https://www.spa.police.uk/spa-media/2ejfuysh/joint-strategy-for-policing-2020-v9_gla.pdf)

https://www.spa.police.uk/spa-media/2ejfuysh/joint-strategy-for-policing-2020-v9_gla.pdf

OFFICIAL / OIFIGEIL

Cuiridh an t-Ùghdarras suaicheantas corporra ùr air dòigh ann an 2021. Lìbhrigidh seo an gealltanais againn suaicheantas dà-chànanach a dhèanamh a-steach a thèid a sgoileadh a-mach mar phàirt de dh'obair nas motha gus cur ri làithreachd dhidseatach an Ùghdarrais.

Rè beatha a' Phlana, cruthachaidh sinn suaicheantas dà-chànanach agus cuiridh sinn ris na soidhnichean Gàidhlig aig Seirbheisean Foireansach.

Nì sinn cunntas air soidhnichean Gàidhlig is soidhnichean dà-chànanach a tha ann mar-thà air an taobh a-staigh is an taobh a-muigh.

GÀIDHLIG ANN AN ALBA

Aig àm Cunntas-sluaigh 2011 (an cunntas as ùire aig an àm seo), bha sgìlean Gàidhlig aig 87,100 daoine aois trì agus nas sine ann an Alba (1.7% den t-sluaigh). A-mach as na 87,100 daoine seo:

- bha làn-sgìlean Gàidhlig aig 32,400 (37%), 's e sin ri ràdh gum b' urrainn dhaibh Gàidhlig a thuigsinn, a bhruidhinn agus a sgrìobhadh
- bha comas labhairt Gàidhlig aig 57,600 (66%)
- bha comas sgrìobhaidh agus/no leughaidh ach gun chomas labhairt aig 6,100 (7%)
- bha comas Gàidhlig a thuigsinn ach chan ann gus a bhruidhinn, a sgrìobhadh no a leughadh aig 23,400 (27%).

Is iad Roinn na Gàidhealtachd, na h-Eileanan Siar agus Baile Ghlaschu na sgìlean ùghdarrais ionadail leis an àireimh as motha de dhaoine le sgìlean Gàidhlig; le cha mhòr an dàrna leth (49%) de dhaoine aig a bheil sgìlean Gàidhlig gu nàiseanta a' fuireach ann, agus bha 70.3% de na daoine a bhios a' cleachdadh na Gàidhlig aig an taigh a' fuireach sna trì ùghdarrasan ionadail seo.

Bha an àireamh sa chiad le sgìlean Gàidhlig aois trì is nas sine aig an ìre as àirde anns na h-Eileanan Siar (61%), Roinn na Gàidhealtachd (7%) agus Earra-Ghàidheal is Bòd (6%). Bha 1.7% ann am Baile Ghlaschu, an cuibheas nàiseanta, ach 's e dùmhachd àrd de luchd-labhairt na Gàidhlig san aon àite a tha seo. Às na daoine aig an robh comas Gàidhlig a bhruidhinn, thuir 40% gum biodh iad a' cleachdadh Gàidhlig aig an taigh gu nàiseanta, ged a tha an àireamh sa cheud a' dol bho 22.1% suas ri 79.2% a rèir cho mòr 's a tha a' Ghàidhlig air a cleachdadh sa choimhearsnachd ionadail.

Taobh a-staigh dachaighean aig an robh inbhich le sgìlean Gàidhlig air choireigin, bha comas Gàidhlig a bhruidhinn am measg chloinne aig 37.8% airson clann aois trì gu ceithir, 48.6% aig aois còig gu 11 agus 46.3% aig aois 12 gu 17. Ach, aig gach cuid ìre na bun-sgoil is na h-àrd-sgoile, bha a' bhuidheann as motha de luchd-labhairt Gàidhlig a' fuireach ann an dachaighean far nach robh sgìlean Gàidhlig aig inbheach sam bith (36.1% aig aois còig gu 11 agus 39.3% aig aois 12 gu 17).

ACHD NA GÀIDHLIG (ALBA) 2005

Chaidh Achd na Gàidhlig (Alba) 2005 aontachadh le Pàrlamaid na h-Alba gus inbhe na Gàidhlig a dhaingneachadh mar chànan oifigeil ann an Alba aig a bheil spèis cho-ionann ris a' Bheurla.

'S e fear de na prìomh fheartan ann an Achd 2005 gu bheil ullachadh ann a tha a' toirt comas do Bhòrd na Gàidhlig toirt air ùghdarrasan poblach planaichean Gàidhlig ullachadh. Chaidh an t-ullachadh seo a chur ann gus dèanamh cinnteach gun dèan an roinn phoblach ann an Alba oidhirp gus an seas a' Ghàidhlig, le bhith a' togail inbhe is ìomhaigh na Gàidhlig agus le bhith a' cruthachadh cothroman practaigeach gus a cleachdadh.

Is e an sgrìobhainn seo an dàrna tionndadh de Phlana Gàidhlig Ùghdarras Poilis na h-Alba a chaidh a dheasachadh taobh a-staigh frèam Achd na Gàidhlig (Alba) 2005. Tha e a' cur air adhart mar a bhios sinn a' cleachdadh, a' comasachadh agus a' brosnachadh na Gàidhlig agus sinn a' dèanamh na h-obrach againn,

Thathar air Plana Gàidhlig an Ùghdarras a chur ri chèile a rèir nan slatan-tomhais reachdail ann an Achd 2005, le mothachadh air Phlana Cànan Nàiseanta na Gàidhlig is air an Stiùireadh air Deasachadh Phlanaichean Gàidhlig.

PLANA NÀISEANTA NA GÀIDHLIG

Tha taic Ùghdarras Poilis na h-Alba ri amas Plana Nàiseanta na Gàidhlig, 2018-23 "gun tèid a' Ghàidhlig a chleachdadh nas trice, le barrachd dhaoine ann am barrachd shuidheachaidhean".

Tha sinn airson an t-amas seo a choileanadh tro bhith a' cur fòcas air obair anns na prìomh raointean seo;

- A' brosnachadh ìomhaigh fhàbharach dhan Ghàidhlig far an gabh seo a dhèanamh mar phàirt den obair làitheil againn mar bhuidheann
- A' meudachadh cleachdadh na Gàidhlig taobh a-staigh na buidhne againn agus a' brosnachadh barrachd dhaoine gus a' Ghàidhlig a chleachdadh nas trice nuair a bhios iad a' conaltradh leinn;
- A' toirt seachad cothroman dhan luchd-obrach uile againn ionnsachadh mun Ghàidhlig;

IN-SGRÙDADH AIR COMAS CÀNAIN

Às dèidh sgrùdaidh de luchd-obrach an Ùghdarras ann an 2018 (mu 550 luchd-obrach), thuirt 6 dhaoine ag obair an dà chuid ann an Seirbheisean Corporra agus Foireansach aig Ùghdarras Poilis na h-Alba gun robh iad comasach air Gàidhlig a bhruidhinn, a leughadh, a sgrìobhadh no a thuigsinn.

OFFICIAL / OIFIGEIL

Tha an t-Ùghdarras ag obair ann an co-bhann le Poileas Alba gus sgrùdadh a dhèanamh air luchd-obrach uile a' phoilis. Tha an suirbhidh rè a' Ghiblein is a' Chèitein 2021 a' cuimseachadh air oifigearan agus luchd-obrach fo stiùir is smachd an Àrd-chonstabal cho math ri sgioba Corporra Ùghdarras Poilis na h-Alba agus an fheadhainn a tha ag obair ann an Seirbheisean Foireansach. Tron t-suirbhidh, tha sinn airson faighinn a-mach mun phròifil cànanach aig luchd-obrach uile a' phoilis, a' gabhail a-steach:

- Àireamh an luchd-obrach aig a bheil comas Gàidhlig a bhruidhinn, leughadh, sgrìobhadh no a thuigsinn agus an ìre aig a bheil na sgilean cànan sin.
- Àireamh an luchd-obrach le Gàidhlig a tha comasach air a' Phlana Ghàidhlig a libhrigeadh agus an dòigh anns an urrainn dhaibh sin a dhèanamh.
- Na roinnean agus/no na h-àiteachan obrach far a bheil luchd-obrach a chaidh a chomharrachadh ag obair.
- Àireamh nan dreuchdan far am biodh Gàidhlig na buannachd.
- Seirbheis sam bith no pròiseas sam bith air an taobh a-staigh a tha air a dhèanamh tro mheadhan na Gàidhlig.

Le toraidhean an sgrùdaidh, faodaidh sinn beachdachadh air mar a chleachdas sinn, agus mar a chuireas sin ris, na sgilean a th' aig an luchd-obrach againn aig an àm seo.

Nì sinn cinnteach cuideachd gun tèid an dàta seo a chur air an t-siostam nàiseanta HR SCOPE againn agus nì sinn ath-sgrùdadh air gach 5 bliadhna.

CO-CHOMHAIRLEACHADH AIR AN DREACHD PLANA GÀIDHLIG

A rèir Achd 2005, feumaidh ùghdarrasan poblach co-chomhairle a chumail air an dreachd plana Gàidhlig mus tèid a chur gu Bòrd na Gàidhlig.

Seo dreachd cho-comhairleachaidh den dàrna tionndadh den Phlana Gàidhlig aig Ùghdarras Poilis na h-Alba. Tha an t-Ùghdarras cuideachd ag iarraidh beachdan air ais air a' phlana aige aig an aon àm 's a tha Poileas Alba ag iarraidh beachdan air ais air a' Phlana Ghàidhlig aca. Thathar a' brosnachadh beachdan air ais air an dà phlana bho dhaoine aig a bheil ùidh sa chùis.

Thèid feart a thoirt air beachdan a gheibhear agus bi geàrr-chunntas de na beachdan a gheibhear mar eàrr-ràdh sa phlana.

2. PRÌOMH PHRIONNSABALAN

Tha an dreachd plana seo a' cur an cèill prògram obrach Ùghdarras Poilis na h-Alba airson 2021-26 agus a' daingneachadh ar taic ris na prìomh phrionnsabalan ann am Plana Nàiseanta na Gàidhlig.

SPÈIS CHO-IONANN

Fo Achd na Gàidhlig 2005, tha Bòrd na Gàidhlig ag amas air inbhe na Gàidhlig a dhaingneachadh mar chànan oifigeil ann an Alba aig a bheil spèis cho-ionann ris a' Bheurla agus a' leantainn air seo, tha am Bòrd an dùil gun seall ùghdarrasan poblach anns na planaichean aca, mar a thèid am prionnsabal a choileanadh agus a chumail suas san obair acasan.

Nuair a thèid Gàidhlig a chleachdadh ann an obair an Ùghdarras, nì sinn ar dìcheall gus dèanamh cinnteach gu bheil e aig an aon ìre agus den aon chàileachd ri rud sam bith a nithear sa Bheurla.

TAIRGSE GHNÌOMHACH

Nì seo cinnteach, nuair a bhios seirbheisean Gàidhlig rim faighinn, gum bi luchd-cleachdaidh Gàidhlig mothachail gu bheil iad ann, agus gu bheil iad air am brosnachadh gus an cleachdadh.

Bheir seo an t-uallach air falbh bhon neach fa leth a bhith ag iarraidh seo agus bheir e misneachd do luchd na Gàidhlig gun tèid na feumalachdan a choileanadh mas e sin a roghaineas iad.

Nì sinn ar dìcheall gus dèanamh cinnteach gu bheil na foillseachaidhean agus an t-susbaint againn sa Ghàidhlig a cheart cho ruigsinneach ris na foillseachaidhean is an t-susbaint againn sa Bheurla.

ÀBHAISTEACHADH

Nì Ùghdarras Poilis na h-Alba a dhìcheall gus dèanamh cinnteach gu bheil cothroman aig a' phoball agus aig an luchd-obrach againn gus Gàidhlig a chleachdadh air an àbhaisteachadh, a' cumail taic ri amas Plana Nàiseanta na Gàidhlig 2018-23 gum bi a' Ghàidhlig air a cleachdadh nas trice, le barrachd dhaoine agus ann an raon nas fharsainghe de shuidheachaidhean.

3. GEALLTANASAN A' PHLANA

AMASAN ÀRD-ÌRE

AMAS FARSAING

Amas àrd-ìre	Stèidhich buidheann leasachaidh is buileachaidh airson a' phlana Ghàidhlig le àrd-riochdachadh bho gach roinn ann an Ùghdarras Poilis na h-Alba.
Buil a thathar ag iarraidh	Gus taic a chumail ri, agus gus gluasad air adhart leis na gealltanasan a tha sa Phlana Gàidhlig seo le com-pàirt bho àrd luchd-obrach bho gach raon gnìomhachais gus dèanamh cinnteach gum bi seilbh aig a' bhuidhinn air fad air a' Phlana Ghàidhlig.
Cleachdadh làithreach	Tha uallach airson a bhith a' brosnachadh agus a' co-òrdanachadh gèilleadh agus adhartas air feadh na buidhne an urra ri aon neach, Ceannard Stiùireadh Ro-innleachdail.
Gnìomhan a dhìth	<ul style="list-style-type: none"> • A' cruthachadh buidheann-stiùiridh • Thèid puingeann-conaltraidh singilte a stèidheachadh air feadh Seirbheisean Corporra agus Foireansach aig Ùghdarras Poilis na h-Alba. • Thèid structar agus rùnaireachd nan coinneamhan a stèidheachadh • Co-òrdanachadh le Poileas Alba
Ceann-latha targaid	Buidheann leasachadh air a stèidheachadh sa Mhàirt 2021
Dleastanas	Ceannard Stiùireadh Gnìomhachas an Ùghdarras Uallach airson adhartas air a cho-roinn thar foincseanan an Ùghdarras gu lèir a' gabhail a-steach Seirbheisean Foireansach le co-òrdanachadh, rùnaireachd agus sgrùdadh air a thoirt seachad le Sgioba Stiùiridh Corporra an Ùghdarras.

CUIR RI CLEACHDADH NA GÀIDHLIG

Amas àrd-ìre	Bidh an t-Ùghdarras, agus e ag obair a chùm leas a' phobaill, a' brosnachadh agus a' toirt feart air beachdan luchd-cleachdaidh agus coimhearsnachdan Gàidhlig gus an obair sgrùdaidh aige air obair-phoilis agus chùisean poilis fhiosrachadh.
Buil a thathar ag iarraidh	Gus cothroman a mheudachadh do luchd-cleachdaidh na Gàidhlig am beachdan a thoirt seachad gus buaidh a thoirt air obair an Ùghdarras agus a bhith air an riochdachadh ann an sgrùdadh obair-phoilis agus cùisean poilis.

OFFICIAL / OIFIGEIL

	Gus cur ris an àireamh de phrìomh fhoillseachaidhean is susbaint a nithear gu dà-chànanach, agus/no sa Ghàidhlig.
Cleachdadh làithreach	Bidh an t-Ùghdarras a’ foillseachadh tionndaidhean Gàidhlig de Phlana Ro-innleachdail a’ Phoilis air an làraich-lìn againn agus tha e air sgrìobhainnean a chruthachadh ann an Gàidhlig co-cheangailte ris an Sgeama Luchd-tadhail Neo-eisimeileach air Daoine a tha an Greim (<i>Independent Custody Visiting Scheme</i>) airson cleachdadh le daoine a tha an greim a tha airson bruidhinn ris an luchd-tadhail againn sa Ghàidhlig.
Gnìomhan a dhìth	<ul style="list-style-type: none"> • Ag iarraidh bheachdan bho luchd-labhairt na Gàidhlig agus bho choimhearsnachdan gus obair an Ùghdarras fhiosrachadh. • Comharraich barrachd phrìomh fhoillseachaidhean/sgrìobhainnean airson a bhith dà-chànanach no sa Ghàidhlig. • Dèan cinnteach gu bheil taic eadar-theangachaidh is eadar-mhìneachaidh an sàs gus cuideachadh le eadar-theangachadh, co-chomhairlean agus susbaint didseatach no sna meadhanan. • Liosta a dhèanamh de na stuthan Gàidhlig is dà-chànanach a th’ ann mar-thà, a’ gabhail a-steach foillseachaidhean, pàipearachd, foirmean agus susbaint air-loidhne
Ceann-latha targaid	A' togail thar beatha a’ phlana.
Dleastanas	Ceannard Stiùireadh Gnothachais Ro-innleachdail le uallach co-roinnte thairis air gnìomhan an Ùghdarras, a’ gabhail a-steach Seirbheisean Foireansach.

A’ TOIRT FÀS AIR CLEACHDADH NA GÀIDHLIG

Amas àrd-ìre	Trèanadh mothachaidh Gàidhlig agus trèanadh sgilean Gàidhlig gu bhith mar phàirt den inntreigeadh is trèanadh aig seirbheisean Chorporra Seirbheisean Foireansach Ùghdarras Poilis na h-Alba.
Buil a tha air a mholadh	Gus mothachadh air a' Ghàidhlig agus air sgilean Gàidhlig a thogail am measg luchd-obrach Seirbheisean Corporra is Foireansach an Ùghdarras agus gus cothroman sgilean cànan Gàidhlig a leasachadh agus a chleachdadh a thoirt air adhart.
Cleachdadh làithreach	Tha earrann shònraichte air eadra-lìon an luchd-obrach a tha a' brosnachadh na Gàidhlig agus anns a bheil ceanglaichean ri Gàidhlig. Brosnaichidh sinn cothroman dhan luchd-obrach cuideachd gus Gàidhlig ionnsachadh, mar eisimpleir, làrach-lìn LearnGaelic.
Gnìomhan a tha a dhìth agus Ceann-latha targaid	<ul style="list-style-type: none"> • Dèan sgrùdadh comas cànan air luchd-obrach Corporra agus nan Seirbheisean Foireansach - an Cèitean 2021 agus an Cèitean 2026

OFFICIAL / OIFIGEIL

	<ul style="list-style-type: none"> • Cuairtich Plana Ùghdarras Poilis na h-Alba airson 2021-26 dhan luchd-obrach uile gus mothachadh a thogail mun phlana agus mu na gealltanasan na bhroinn - An Dàmhair 2021 • Fiosrachadh gu bhith air a chruthachadh agus air a chur a-staigh dhan phrògram inntigidh do luchd-obrach (modal Moodle) mun Phlana Ghàidhlig – Samhradh 2021. • Coimisean Trèanadh Mothachaidh Gàidhlig airson buill an Ùghdarras, agus Sgioba-stiùiridh Corporra is Foireansach Ùghdarras Poilis na h-Alba - Samhradh 2021 • Brosnaich cothroman do luchd-obrach a bhith ag ionnsachadh sgilean Gàidhlig – tro bheatha a' Phlana
Dleastanas	Ceannard Stiùireadh Gnìomhachas an Ùghdarras / Stiùiriche nan Seirbheisean Foireansach

A' CUR DEAGH ÌOMHAIGH AIR ADHART AIRSON NA GÀIDHLIG

Amas àrd-ìre	Mar phàirt den chuairt-riaghlaidh leantainneach is stiùireadh leantainneach air obair-phoilis, nì an t-Ùghdarras sgrùdadh air na tha obair-phoilis a' cur ri lìbhrigeadh Phlana Nàiseanta na Gàidhlig ann an seisean poblach.
Buil a tha air a mholadh	Gus sùil a chumail air na tha obair-phoilis a' cur ris Nàiseanta Gàidhlig, a thaobh ìre agus nàdar, ann am fòram fosgailte agus follaiseach. Barrachd faicsinneachd air mar a tha obair-phoilis a' cur ri lìbhrigeadh amasan Plana Nàiseanta na Gàidhlig.
Cleachdadh làithreach	Thèid beachdachadh air na Planaichean Gàidhlig aig Ùghdarras Poilis na h-Alba agus Poileas Alba agus thèid an aontachadh leis a' Bhòrd aig coinneamhan den làn-ùghdarras a thèid a chumail gu poblach.
Gnìomhan a tha a dhìth agus Ceann-latha targaid	<ul style="list-style-type: none"> • Cuir sgrùdadh air dòigh aig ìre a' Bhùird air na tha Ùghdarras Poilis na h-Alba agus Poileas Alba a' cur ri Plana Nàiseanta na Gàidhlig co-dhiù dà uair ann am beatha a' Phlana - an t-Sultain 2023 agus an t-Sultain 2026 • Foillsich aithisgean sgrùdaidh bliadhnail mu adhartas leis a' Phlana Ghàidhlig - gach bliadhna nuair a thèid an cur gu BnG.
Dleastanas	Ceannard Stiùireadh Gnìomhachas an Ùghdarras an co-bhonn ri Poileas Alba agus Seirbheisean Foireansach.

AMASAN SEIRBHEISEAN CORPORRAS

INBHE

Buil a thathar ag iarraidh	<p>Suaicheantas agus brandd</p> <p>Amas an suaicheantas corporra agus an branddadh a thoirt seachad an dà chuid ann an Gàidhlig agus Beurla aig a' chiad chothrom agus mar phàirt de phròiseas ùrachaidh sam bith. Bu chòir dhan t-suaicheantas an aon ìre follaiseachd a thoirt dhan dà chànan.</p>
Cleachdadh làithreach	<p>Bidh Ùghdarras Poilis na h-Alba fhathast a' cleachdadh nan suaicheantasan Beurla is Gàidhlig fa leth far an gabh sin dèanamh (i.e. air a Thaisbeanadh san oifis chorporra leis an aon mheud agus follaiseachd). Chaidh suaicheantas dà-chànanach a chruthachadh dhan Ùghdarras agus thèid a sgaoileadh a-mach rè 2021.</p> <p>Chan eil suaicheantas dà-chànanach sònraichte aig Seirbheisean Foireansach aig an àm seo. Cruthaichidh e suaicheantas dà-chànanach agus sgaoilidh e soidhnichean dà-chànanach airson Seirbheisean Foireansach mean air mhean tro bheatha a' phlana.</p>
Gnìomhan a tha a dhìth agus Ceann-latha targaid	<ul style="list-style-type: none"> • A' sgaoileadh a-mach an t-suaicheantais dhà-chànanaich còmhla ri aithne chorporra agus stiùireadh - deireadh 2021 • Cruthaich suaicheantas dà-chànanach airson Seirbheisean Foireansach ro dheireadh 2022 - deireadh 2022
Dleastanas	Prìomh Oifigear airson Riaghaladh agus Cùisean Taobh a-muigh aig an Ùghdarras / Speisealaiche Conaltraidh agus Com-pàirteachais nan Seirbheisean Foireansach

Buil a thathar ag iarraidh	<p>Soidhnichean</p> <p>Bidh soidhnichean follaiseach a' gabhail a-steach Gàidhlig agus Beurla mar phàirt de phròiseas ùrachaidh sam bith.</p>
Cleachdadh làithreach	<p>Bidh an t-Ùghdarras fhathast a' cleachdadh nan suaicheantasan Beurla is Gàidhlig fa leth far an gabh sin dèanamh (i.e. air a Thaisbeanadh san oifis chorporra leis an aon mheud agus follaiseachd). Chaidh suaicheantas dà-chànanach a chruthachadh agus thèid a sgaoileadh a-mach ron Fhoghar 2021.</p>
Gnìomhan a tha a dhìth agus Ceann-latha targaid	<ul style="list-style-type: none"> • Sgaoil a-mach aithne chorporra ùr agus stiùireadh airson Ùghdarras Poilis na h-Alba – Foghar 2021 • Sgaoil a-mach soidhnichean dà-chànanach aig Seirbheisean Foireansach (air stèidh ùrachaidh) ro 2023 - deireadh 2023 • Dèan liosta de na soidhnichean Gàidhlig is soidhnichean dà-chànanach a tha ann mar-thà air an taobh a-staigh is an taobh a-muigh - ro dheireadh 2021.
Dleastanas	Prìomh Oifigear airson Riaghaladh agus Cùisean Taobh a-muigh aig an Ùghdarras / Speisealaiche Conaltraidh agus Com-pàirteachais nan Seirbheisean Foireansach

CONALTRADH LEIS A' PHOBALL

Buil a thathar ag iarraidh	Brosnachadh Teachdaireachd bhrosnachail gu bheilear daonnan a' cur fàilte air conaltradh bhon phoball anns a' Ghàidhlig.
Gnìomhan a tha a dhìth agus Ceann-latha targaid	<ul style="list-style-type: none"> • Thèid duilleag "fios thugainn" an Ùghdarras ùrachadh gus conaltradh sgrìobhte sa Ghàidhlig a bhrosnachadh - deireadh 2-22 • Dòigh-obrach an Ùghdarras gu bhith a' brosnachadh conaltradh sa Ghàidhlig bhon phoball - tro bheatha a' Phlana. • Dèan cinnteach gu bheil taic eadar-theangachaidh is eadar-mhìneachaidh an sàs gus cuideachadh le eadar-theangachadh, co-chomhairlean agus susbaint didseatach no sna meadhanan nuair a tha seo a dhìth.
Dleastanas	Prìomh Oifigear airson Riaghaladh agus Cùisean Taobh a-muigh aig an Ùghdarras

Buil a thathar ag iarraidh	Conaltradh sgrìobhte Bithear daonnan a' gabhail ri conaltradh sa Ghàidhlig (post, post-d agus meadhanan sòisealta) agus bheirear seachad freagairtean sa Ghàidhlig a rèir a' phoileasaidh choitinn.
Cleachdadh làithreach	Tha an t-Ùghdarras air gealltainn gabhail ri conaltradhean sa Ghàidhlig agus am freagairt sa Ghàidhlig nuair a ghabhas seo dèanamh. Cha d' fhuair an t-Ùghdarras conaltradh sam bith sa Ghàidhlig gu ruige seo.
Gnìomhan a dhìth Ceann-latha targaid	<ul style="list-style-type: none"> • Ùraich am poileasaidh air conaltradh sgrìobhte gus iomradh sònraichte a thoirt gu bheilear a' gabhail ri conaltradh sa Ghàidhlig agus gun tèid freagairtean eadar-theangachadh is a chur sa Ghàidhlig. • Dèan cinnteach gu bheil taic eadar-theangachaidh is eadar-mhìneachaidh an sàs gus cuideachadh le eadar-theangachadh. • Thèid cuimhneachan cunbhalach a thoirt do luchd-obrach Corporra agus Foireansach an Ùghdarras mu a bhith a' cleachdadh eàrr-sgrìobhadh puist-d dà-chànanach. <p>Ro Shamhradh 2022</p>
Dleastanas	Prìomh Oifigear an Ùghdarras airson Stiùireadh Corporra.

Buil a thathar ag iarraidh	Fàilteachas is Fòn Far am bi e comasach do luchd-obrach le Gàidhlig an t-seirbheis seo a thoirt seachad, thèid taic a chumail riutha gus seo a dhèanamh agus thèid an t-seirbheis a bhrosnachadh dhan phoball.
----------------------------	--

OFFICIAL / OIFIGEIL

Gnìomhan a tha a dhìth agus Ceann-latha targaid	<ul style="list-style-type: none">Beachdaich air toraidhean an sgrùdaidh a-staigh gus comharrachadh a bheil luchd-obrach ann le sgilean ann an dreuchdan far an urrainn dhaibh an t-seirbheis seo a thoirt seachad – Foghar 2021
Dleastanas	Prìomh Oifigear an Ùghdarras airson Stiùireadh Corporra.

FIOSRACHADH

Buil a thathar ag iarraidh	Fiosan Naidheachd Bithear a' cuairteachadh fiosan naidheachd àrd-inbhe agus a h-uile gach fios naidheachd co-cheangailte ri Gàidhlig an dà chuid sa Ghàidhlig agus sa Bheurla.
Gnìomhan a dhìth Ceann-latha targaid	<ul style="list-style-type: none">Cruthaichidh an t-Ùghdarras tionndaidhean Gàidhlig de na fiosan naidheachd as àrd-inbhe (a' foillseachadh a' Phlana Poilis Ro-innleachdail).Beachdaichear cuideachd air a bhith a' dèanamh fhoillseachaidhean, fiosan naidheachd agus susbaint eile sna meadhanan sòisealta sa Ghàidhlig. <p>Leantainneach thar beatha a' phlana.</p>
Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras / Speisealaiche Conaltraidh agus Com-pàirteachais nan Seirbheisean Foireansach

Buil a thathar ag iarraidh	Meadhanan sòisealta Bithear a' sgaoileadh fios gu cunbhalach tro mheadhanan sòisealta, air a stiùireadh leis an ìre de chleachdadh aig an àm seo agus den ìre a dh'fhaodadh a bhith ann san àm ri teachd
Gnìomhan a dhìth Ceann-latha targaid	<ul style="list-style-type: none">Thèid cùisean agus susbaint a chomharrachadh gus cleachdadh na Gàidhlig a mheadachadh air seanailean didseatach an Ùghdarras agus gus susbaint Ghàidhlig aig an Ùghdarras a bhrosnachadh. <p>Leantainneach thar beatha a' phlana.</p>
Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras / Speisealaiche Conaltraidh agus Com-pàirteachais nan Seirbheisean Foireansach

Buil a thathar ag iarraidh	Làrach-lìn Bu chòir susbaint a bhith ri fhaighinn air làrach-lìn an ùghdarras phoblaich, le cuideam air na duilleagan a dh'fhaodadh an àireamh as motha de dhaoine fhaicinn.
Cleachdadh làithreach	Foillsichidh an t-Ùghdarras am Plana Gàidhlig aige air an làrach-lìn aige

OFFICIAL / OIFIGEIL

Gnìomhan a dhìth	<ul style="list-style-type: none">• Lèirmheas air na seanailean didseatach aig Ùghdarras Poilis na h-Alba gus susbaint a chomharrachadh a dh'fhaodadh a bhith sa Ghàidhlig.• Thèid susbaint uile an Ùghdarras sa Ghàidhlig fhoillseachadh air earrann shònraichte de làrach-lìn an Ùghdarras airson foillseachaidhean/susbaint/fiosrachadh Gàidhlig.
Ceann-latha targaid	Ron Ghiblean 2022.
Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras

Buil a thathar ag iarraidh	Foillseachaidhean Corporra Air an dèanamh ann an Gàidhlig is Beurla, le prìomhachas air an fheadhainn a dh'fhaodadh a bhith air an leughadh leis an àireimh as motha de dhaoine
Cleachdadh làithreach	Foillseachaidh an t-Ùghdarras a Phlana Phoilis Ro-innleachdail an dà chuid ann an Gàidhlig agus Beurla.
Gnìomhan a dhìth	<ul style="list-style-type: none">• Beachdaichear cuideachd air a bhith a ' dèanamh fhoillseachaidhean sa Ghàidhlig.
Ceann-latha targaid	Leantainneach thar beatha a' phlana.
Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras

Buil a thathar ag iarraidh	Cleachdadh a' chànain Tha pròiseas an sàs gus dèanamh cinnteach gu bheil càileachd agus ruigsinneachd na Gàidhlig anns an fhiosrachadh corporra aig ìre àrd.
Cleachdadh làithreach	Bidh an t-Ùghdarras a' cleachdadh seirbheisean eadar-theangachaidh gus foillseachaidhean Gàidhlig a dhèanamh. Leanaidh eadar-theangachadh a chuireas sinn air dòigh an tionndadh as ùire de Ghnàthachas Litreachadh na Gàidhlig agus comhairle bho Ainmean-àite na h-Alba.
Gnìomhan a dhìth	<ul style="list-style-type: none">• Leanaidh foillseachaidhean a nithear sa Ghàidhlig an tionndadh as ùire de Gnàthachas Litreachadh na Gàidhlig.
Ceann-latha targaid	Leantainneach thar beatha a' phlana.
Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras

LUCHD-OBRACH

OFFICIAL / OIFIGEIL

Buil a thathar ag iarraidh	In-sgrùdadh Dèan sgrùdadh de sgilean agus feumalachdan trèanaidh Gàidhlig taobh a-staigh na buidhne rè beatha gach plana.
Cleachdadh làithreach	Chaidh sgrùdadh comas a dhèanamh taobh a-staigh gus dealbh ceart fhaighinn de sgilean Gàidhlig agus de dh'ùidh ann an trèanadh.
Gnìomhan a tha a dhìth agus Ceann-latha targaid	<ul style="list-style-type: none"> Sgrùdadh comais Gàidhlig gu bhith air a dhèanamh - an Cèitean 2021 agus an Cèitean 2026.
Dleastanas	Ceannard Stiùireadh Gnìomhachas an Ùghdarras an co-bhonn ri Poileas Alba.

Buil a thathar ag iarraidh	Trèanadh Inntigidh/ Trèanadh Mothachaidh Gàidhlig Bidh fios mu phlana Ghàidhlig an ùghdarras mar phàirt den inntrigeadh aig luchd-obrach ùra uile agus thèid Trèanadh Mothachaidh a thabhann.
Cleachdadh làithreach	Chan eil seo mar phàirt den phlana inntigidh aig luchd-tòiseachaidh ùra aig an àm seo.
Gnìomhan a dhìth	<ul style="list-style-type: none"> Cruthaich modal as urrainn luchd-obrach Poileas Alba agus Ùghdarras Poilis na h-Alba a chleachdadh tron àrd-ùrlar ionnsachaidh air-loidhne aig Poileas Alba . Coimisean Trèanadh Mothachaidh Gàidhlig airson buill an Ùghdarras, agus Sgioba-stiùiridh Corporra is Foireansach Ùghdarras Poilis na h-Alba.
Ceann-latha targaid	Ron t-Shamhradh 2022
Dleastanas	Ceannard Stiùireadh Gnìomhachas an Ùghdarras

CORPAS NA GÀIDHLIG

Buil a thathar ag iarraidh	Gnàthachas Litreachadh na Gàidhlig Thèid an tionndadh as ùire de Ghnàthachas Litreachadh na Gàidhlig a leantainn anns gach nì sgrìobhte a nì an t-ùghdarras poblach.
Cleachdadh làithreach	Bidh an t-Ùghdarras a' cleachdadh seirbheisean eadar-theangachaidh gus foillseachaidhean Gàidhlig a dhèanamh Leanaidh eadar-theangachadh a chuireas sinn air dòigh an tionndadh as ùire de Ghnàthachas Litreachadh na Gàidhlig.
Gnìomhan a dhìth	<ul style="list-style-type: none"> Dèan cinnteach gu bheil taic eadar-theangachaidh is eadar-mhìneachaidh an sàs gus cuideachadh le eadar-theangachadh, co-chomhairlean agus susbaint didseatach no sna meadhanan. Leanaidh eadar-theangachadh a dh'iarrar Gnàthachas Litreachadh na Gàidhlig.
Ceann-latha targaid	Leantainneach thar beatha a' phlana.

OFFICIAL / OIFIGEIL

Dleastanas	Prìomh Oifigear airson Riaghladh agus Cùisean Taobh a-muigh aig an Ùghdarras
------------	--

4. CEANGLAICHEAN RIS AN FHRÈAM-OBRACH COILEANAIDH NÀISEANTA

Bidh Plana Gàidhlig an Ùghdarras a' cur ris na builean a leanas anns an Fhrèam-obrach Coileanadh Nàiseanta:

- **tha daoine a' fàs suas gu sàbhailte le gaol is spèis gus an coilean iad an làn chomasan**
Tha am plana ag amas air a' Ghàidhlig a bhrosnachadh agus gus spèis cho-ionann a thoirt dhi. Airson luchd-labhairt na Gàidhlig, tha seo a' sealltainn taic dhan chultar, dualchas is coimhearsnachd aca.
- **tha daoine a' fuireach ann an coimhearsnachdan a tha in-ghabhalach, cumhachdach, foghainteach agus sàbhailte**
Tha am plana a' cur air adhart prògram àrd-amasach airson teachdaireachdan do choimhearsnachd gus coimhearsnachdan Gàidhlig a ruighinn air feadh na h-Alba cho math ri ullachadh airson barrachd conaltraidh aig ìre ionadail. Cuiridh seo ri iomadachd agus ri cumhachdachadh nan coimhearsnachdan Gàidhlig.

5. FOILLSEACHADH A' PHLANA

FOILLSEACHACHADH AGUS SANASACHD A' PHLANA

AIR AN TAOBH A-STAIGH

Thèid Plana Ghàidhlig Ùghdarras Poilis na h-Alba fhoillseachadh sa Ghàidhlig agus sa Bheurla air an làraich-lìn againn agus bi cothrom aig an luchd-obrach uile again air tron eadra-lìon againn.

Thèid conaltradh mun phlana a chur dhan luchd-obrach uile le àrd-stiùirichean.

CEANGLAICHEAN A-MUIGH

Thèid an dàrna tionndadh de Phlana Ghàidhlig Ùghdarras Poilis na h-Alba fhoillseachadh sa Ghàidhlig agus sa Bheurla air an làraich-lìn againn. A bharrachd air seo, nì sinn mar a leanas:

- a' cur a-mach fios naidheachd mu fhoillseachadh a' phlana
- nì sinn sanasachd air a' phlana air diofar àrd-ùrlaran sna meadhanan sòisealta
- sgaoilidh sin lethbhreacan den phlana do phrìomh luchd-ùidh anns na roinnean poblach, prìobhaideach agus san treas roinn
- sgaoilidh sinn lethbhreacan den phlana do bhuidhnean Gàidhlig iomchaidh agus do bhuidhnean eile aig a bheil ùidh anns a' chùis,

- cuiridh sinn lethbhreacan pàipeir a-mach nuair a thèid sin iarraidh

6. GOIREASACHADH A' PHLANA

Co-òrdanachaidh sgioba Riaghladh Gnothachais Ro-innleachdail an Ùghdarras libhrigeadh nan geallaidhean sa phlana seo, ag obair gu dlùth le Poileas Alba, Seirbheisean Foireansach agus an sgioba Corporra san fharsaingeachd.

Thèid na cosgaisean co-cheangailte ri libhrigeadh nan gealltanasan àbhaisteachadh taobh a-staigh buidseatan a th' ann mar-thà agus/no mar phàirt de phròiseasan ùrachaidh leantainneach.

7 A' SGRÙDADH A' PHLANA

Foillsichidh Ùghdarras Poilis na h-Alba an aithisg adhartais aige do Bhòrd na Gàidhlig a thaobh cur an gnìomh a' Phlana Ghàidhlig air an làraich-lìn againn.

8. AM PLANA GÀIDHLIG ANNS AN ÙGHDARRAS PHOBLACH

UALLACH AIRSON A' PHLANA AIR A' CHEANN THALL

Tha uallach iomlan air an Àrd-oifigear agus Oifigear Cunntachail airson ullachadh, libhrigeadh agus sgrùdadh Plana Gàidhlig Ùghdarras Poilis na h-Alba. Is urrainnear fios a chur orra mar a leanas:-

Lynn Brown OBE
Àrd-oifigear
Ùghdarras Poilis na h-Alba
1 Cidhe a' Chuain Sèimh
Glaschu
G51 1DZ

SPAChiefExecutive@spa.pnn.police.uk

UALLACH LÀITHEIL AIRSON A' PHLANA

Tha uallach làitheil air an Àrd-oifigear Taic Chorporra airson libhrigeadh agus sgrùdadh Plana Ghàidhlig Ùghdarras Poilis na h-Alba. Bu chòir ceistean mu obrachadh a' phlana bho latha gu latha a chur gu:

Aimie McGuinness
Àrd-oifigear Taic Chorporra
Ùghdarras Poilis na h-Alba
1 Cidhe a' Chuain Sèimh
Glaschu
G51 1DZ

Aimie.McGuinness@spa.pnn.police.Uuk

PLANA BUILEACHAIDH IS SGRÙDAIDH A' PHLANA GHÀIDHLIG

Stèidhichidh Ùghdarras Poilis na h-Alba plana buileachaidh agus sgrùdaidh airson a' Phlana Ghàidhlig a rèir nan amasan àrd-ìre a chaidh aontachadh. Bidh a' bhuidheann seo na co-bhuidheann aig an Ùghdarras agus Poileas Alba agus bidh e' gabhail a-steach luchd-obrach is oifigearan bhon dà bhuidhinn, agus bho fhoincean corporra a' gabhail a-steach Conaltradh Corporra agus Oighreachdan. Bidh seo a' gabhail a-steach Seirbheisean Foireansach cuideachd.

Coinneachaidh a' bhuidheann gach ràithe gus sùil a chumail air buileachadh agus sgrùdadh nan diofar taobhan anns a' phlana agus gus conaltradh a chur an comas eadar buidhnean agus an luchd-obrach.